



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 90. Boncompagni Cardinalis mors.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Pio V. rursus in Gallias ad Carolum IX. Sæcul. XVI.
A.C. 1586.
missus in itinere Taurinum pervenit, ubi summi Pontificis nomine Carolum Emanuele Sabaudicæ Ducis Filium e sacro fonte suscepit. Denique ob præclara obsequia sacræ Sedi sub pluribus Pontificibus præstita a Gregorio XIII., qui septima vice Cardinales creaverat, anno Salutis nostræ millesimo quingentesimo octogesimo tertio Romana purpura decoratus est, anno autem Domini millesimo quingentesimo octogesimo sexto septuaginta quinque annos natus die decima nona Februarii obiit, equidem Cenatenses cives ejus Nepotem in Urbis suæ Episcopum a Sixto V. nominari petebant: ast hic idem Pontifex præfatam Sedem Antonio Mocenigo adjudicabat, defunctique Cardinalis Nepoti in Patavina Ecclesia Canonicatum impertiebatur: insuper eidem Civitatis - Castellane, quæ ditionis Ecclesiasticæ urbs in Etruria sita olim Vejensis civitas fuisse creditur, Ecclesiam Episcopalem administrandam commisit.

§. XC.

Boncompagni Cardinalis mors.

Alter ex Cardinalibus hoc anno defunctis erat Philippus Boncompagnus Gregorii Papæ Nepos, qui ab eodem

*Ciac. t. 4.
pag. 45.
Aubery vie
des Card.*

Sæcul. XVI.
A.C. 1586.

dem Pontifice statim post obtentam Divi Petri Cathedram anno post Christum natum millesimo quingentesimo septuagesimo secundo Cardinalis creabatur, ac Tipherni Gubernator, Major Pœnitentiarius, S. Mariæ Majoris Archipresbyter, Carthusianorum, Carmelitarum, Præmonstratensium, & Collegii Anglicani, quod Romæ extat, Protector, ac Tutor nominabatur, insuper pluribus Abbatiis, & beneficiis ab eodem Papa decoratus, mox de Latere Legatus Venetias decernebatur, ut Henricum III. e Polonia in Gallias ad ejus Regni gubernacula properantem, Pontificis nomine salutaret, Romanque invitaret, ubi novo honoris genere a Veneto Senatu exceptus est. Dux enim sexaginta Veneti Senatus purpuratis eum comitantibus, & splendidis quatuor primariis trîremibus adhibitis eidem obviam processit. Interfuit is post Patruï obitum Comitibus, in quibus Petri Cathedram ascendit Sixtus V., sub quo septima Idus Junii anno humanæ salutis millesimo quingentesimo octuagesimo sexto ætatis suæ octavo supra trigesimum, Romæ e vita migravit, in Ecclesia S. Mariæ Majoris ante B. Virginis aram sepultus.

Ceterum supremi Pœnitentiarîi dignitas, quâ Boncompagnus fulgebat,
Aldo-

Aldobrandino raræ virtutis, & profundæ eruditionis Viro demandata est. Sæcul. XVI. A.C. 1586.

§. XCI.

Granvellani Cardinalis fata.

Tertius erat Antonius Perrenotus Ciac. t. 3. pag. 925. Sanmarth. Gall. Christ. tom. I. Thuan. l. 84.
 Granvellanus Bisuntii in Burgundia Comitatu natus ex Patre Nicolao, qui non tam generis nobilitate, quam ingenii sui præstantia supremam Cancellarii dignitatem apud Carolum V. Cæsarem promeritus fuit, & per integros viginti annos, atque usque ad extremum vitæ suæ halitum gratia, & benevolentia apud eundem Imperatorem plurimum valuit, quod sane rarum est fortunæ erga Principum clientes constantis exemplum: porro Antonius natus minor tam præclari Parentis Filius ejusdem præceptis apprime imbutus fuit, atque eodem moderatore insuper dexteritatem ad res feliciter gerendas oppido necessariam sibi comparavit, insuper jam aliunde excellenti ingenii acie præditus, intellectum suum scientiis, quas in celebrioribus Europæ Academiis hauserat, plurimum excolebat: unde ab Imperatore, cui hujus Viri merita satis perspecta erant, ad Ministri Cæsarei honores evehebatur, ad quam dignitatem non tam Patris obsequia, quam

Hist. Eccles. Tom. L.

E e pro-